

向經典致敬

《玩嘢王》由播出開始，輕易成為網民熱烈討論話題，最高收視佔有同時段嘅百分之九十二，成績斐然。思捷自然係「目標人物」，佢選擇「Paco巨星飯堂」成為節目播出後，首個接受嘅專訪，因為：「可以做Paco你嘅飯堂嘉賓，絕對係一個honour！」

哈哈！有思捷界面，我一啲咁榮幸，佢嘅《玩嘢王》係城中熱話，今日有主角現身說法，親解熱爆節目密碼，都係honour！

「其實係有一日，Sandy余詠珊（無綫綜藝科總監）搵我，話想開一個節目畀我主持，內容同一個經典嘅外國節目《Candid Camera》類似嘅，即係玩偷拍，有整蠱成分嘅節目。

「咁我就開始同一班工作人員一齊度橋，大家都覺得，要好認真去玩個被玩對象，即係要大陣仗、高成本嘅。因為要做出嚟嘅效果像真度高，被玩對象先至唔會咁容易知道自己畀人整蠱緊。」

思捷轉談籌備節目時嘅點滴，七情上面。



Paco
巨星飯堂

我帶思捷去到位於灣仔嘅「益新美食館」，以懷舊菜式餵飽近日常嘅「玩嘢王」。



簡介

黃柏高 (Paco)，03年成為電影製作人，近年兼任飲食達人、知名玄學家李永責博士經理人及運動員經理人，集四職於一身。業務雖繁忙，但仍為本刊專欄「Paco巨星飯堂」，及《頭條日報》周一專欄「名人會」擔任主持，與巨星、名人深情對話。

餵飽玩嘢王

由李思捷主持嘅《玩嘢王》，玩人玩到收視節節上升，「玩嘢王」亦搖身變成人氣王，所以今晚「Paco巨星飯堂」亦特別邀請思捷擔任嘉賓，細訴玩人之樂。

我亦精心挑選位於灣仔、歷史悠久嘅「益新美食館」，作為我同思捷嘅飯敘地點，率先同佢慶祝！事先聲明，今次絕非玩嘢，係用堅料餵飽「玩嘢王」先真！



紅燒蟹黃翅用十足份量嘅蟹殼，拆肉烹調，落足心機。



懷舊菜如吊燒金錢雞，肥肉入口絕不油膩。



我哋今次品嚐嘅八道菜，八位價為\$288（另加茶芥、加二）。名菜包括招牌菜馳名琵琶鴨、皮脆肉嫩。



係未來嘅日子，思捷繼續追尋佢嘅導演夢，一切已熱烈進行中，我祝佢成功！

Paco
巨星飯堂

我同思捷都覺得呢道薑蔥焗肉蟹，炮製得非常惹味！

舊同學撐場

集一台人力物力於一身，思捷梗係次次都全力以赴，數到最滿意之作，佢話：「咁一定係第一集玩阿Bob嘞，因為成個wedding係假嘅，酒店、賓客、親戚全部都係假嘅，其中一枱嘅guests仲係我啲舊同學，我call晒佢哋嚟幫手。」

「成個過程嘅推進係好完整，玩到最尾我出埋場，仲飲醉酒，睇到阿Bob點執生。」

哈哈！另一個熱辣話題就梗係網民口中嘅嘉欣BB，鍾嘉欣同思捷亦夾得好仔細，「我同嘉欣講，叫佢一定要講『佢係我男朋友嚟㗎！』呢一句，好似增加多啲drama感落去咁。」



▲另一招牌菜豉油皇煎大花蝦，每隻蝦都足五兩，訂位時記住預訂。



▲今次我同思捷喺餐廳新開設嘅地庫，品嚐惹味嘅薑蔥焗肉蟹，既享美食亦欣賞特色裝潢。



▲鳳凰焗魚腸係另一味考功夫嘅懷舊菜，蛋同魚腸味道合拍，必試！



▲沙律煙鱸魚用紅蘿蔔汁煙燻鱸魚，令菜式色香味俱全。



◀西檸煎軟雞係外脆內juicy嘅菜式，加上西檸汁另上，更加唔會破壞脆皮質感。



完結篇預告

今周節目播到壓軸篇，思捷亦率先爆料，預告節目內容，「有一個環節係玩路人嘅，情節係講一個孀孀係一條長命樓梯男人打劫，佢搵路人幫手捉賊，個賊着住紅衫，就喺樓梯最高處。」

「等個路人上到去，佢先發現上面個個都着紅衫。拍嗰日我仲撞到葉念琛，順便請佢客串吓添。」

節目受歡迎，令今次思捷做嘉賓嘅「巨星飯堂」都畀老闆Derek問：「係咪拍《玩嘢王》？」

哈哈！足證節目夠晒深入民心，值得慶祝！☺

我即場同思捷分享我力捧嘅新人J. Arie嘅唱功power。

今次多得兩位老闆May（左二）同Derek（右二）嘅精心安排，我同思捷都讚口不絕！

下期預告
與向氏兄弟及香港女神Vivian Athena唔離口fusion菜。



益新美食館
地址：灣仔軒尼詩道48-62號上海實業大廈地下及地庫
電話：28349963

